

গণপ্রজাতন্ত্রী বাংলাদেশ সরকার
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২।

টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ info@iedcr.gov.bd; ncov@iedcr.gov.bd ওয়েবসাইটঃ www.iedcr.gov.bd

২৭ ফেব্রুয়ারি ২০২০ইং

সংবাদ বিজ্ঞপ্তি

মাননীয় স্বাস্থ্যমন্ত্রীর সাথে স্বাস্থ্য বিভাগের উর্ধ্বতন কর্মকর্তাদের বৈঠক

গতকাল স্বাস্থ্য মন্ত্রণালয়ে কোভিড-১৯ প্রতিরোধ ও নিয়ন্ত্রণে স্বাস্থ্য বিভাগের অগ্রগতি পর্যালোচনা করার জন্য মাননীয় স্বাস্থ্য মন্ত্রী জনাব জাহিদ মালেক এমপি'র সভাপতিত্বে এক গুরুত্বপূর্ণ বৈঠক অনুষ্ঠিত হয়। বৈঠকে স্বাস্থ্যসেবা সচিব, স্বাস্থ্যসেবা অধিদপ্তরের মহাপরিচালক, রোগ নিয়ন্ত্রণ শাখার পরিচালক, আইইডিসিআর-এর কর্মকর্তা প্রমুখ উপস্থিত ছিলেন। সভায় কোভিড-১৯ নিয়ন্ত্রণ ও প্রতিরোধে প্রস্তুতি ও মোকাবেলার জন্য খসড়াকৃত পরিকল্পনা দ্রুত চূড়ান্ত করার নির্দেশনা প্রদান করেন।

দক্ষিণ কোরিয়ার একটি কোম্পানি কর্তৃক পিসিআর মেশিন হস্তান্তর

গতকাল সন্ধ্যায় হযরত শাহজালাল আন্তর্জাতিক বিমান বন্দরে কোরিয়ার একটি কোম্পানি বাংলাদেশ সরকারকে একটি পিসিআর মেশিন এবং ৫০ টেস্ট কিট হস্তান্তর করে। মাননীয় স্বরাষ্ট্র মন্ত্রী জনাব আসাদুজ্জামান খাঁন কামাল যন্ত্রগুলো গ্রহণ করেন। আরো উপস্থিত ছিলেন মাননীয় বিমান প্রতিমন্ত্রী জনাব মাহবুব আলী, মন্ত্রী পরিষদ সচিব, স্বাস্থ্য সেবা সচিব, জননিরাপত্তা সচিব, তথ্য সচিব, সিভিল এভিয়েশন কর্তৃপক্ষের চেয়ারম্যান, স্বাস্থ্য সেবা বিভাগের অতিরিক্ত মহাপরিচালক, আইইডিসিআর-এর পরিচালক, রোগ নিয়ন্ত্রণ শাখার পরিচালক প্রমুখ। মাননীয় স্বরাষ্ট্র মন্ত্রী বাংলাদেশ সরকারের পক্ষ থেকে কোরিয়ার কোম্পানিকে ধন্যবাদ জানান। আজ দক্ষিণ কোরিয়া কোম্পানি যন্ত্রটি আইইডিসিআর-এ স্থাপন করেন ও সংশ্লিষ্ট বিজ্ঞানীদের যন্ত্রটি ব্যবহারের নিয়ম-কানুন অবহিত করেন।

স্বাস্থ্যসেবা মহাপরিচালকের সাথে কোভিড-১৯ নিয়ন্ত্রণ বিষয়ে বৈঠক

কোভিড-১৯ নিয়ন্ত্রণ ও প্রতিরোধে প্রস্তুতি ও মোকাবেলার জন্য পরিকল্পনার খসড়ার বিভিন্ন দিক নিয়ে আলোচনার জন্য স্বাস্থ্য সেবা অধিদপ্তরের মহাপরিচালক প্রফেসর ডা. আবুল কালাম আজাদের সভাপতিত্বে আইইডিসিআর-এর পরিচালকের কার্যালয়ে এক বৈঠক অনুষ্ঠিত হয়। বৈঠকে স্বাস্থ্যসেবা অধিদপ্তরের অতিরিক্ত মহাপরিচালক, আইইডিসিআর-এর পরিচালক, রোগ নিয়ন্ত্রণ শাখার পরিচালক সহ অন্যান্য কর্মকর্তাবৃন্দ উপস্থিত ছিলেন।

দক্ষিণ কোরিয়া দূতাবাসের উপ-প্রধানের আইইডিসিআর-এ আগমন

আজ আইইডিসিআর-এ কোরিয়া প্রজাতন্ত্রের (দক্ষিণ কোরিয়া) বাংলাদেশস্থ দূতাবাসের উপ-প্রধান জনাব সিওল স্যাং কিম আইইডিসিআর-এ আসেন। তিনি কোভিড-১৯ সংক্রমণ প্রতিরোধে বাংলাদেশের কার্যক্রমের প্রশংসা করেন। বাংলাদেশস্থ কোরীয় নাগরিকদের প্রতি বাংলাদেশের জনগণের অতিথিপরায়ন ভূমিকার জন্যও তিনি কৃতজ্ঞতা প্রকাশ করেন। দক্ষিণ কোরিয়াতে কোভিড-১৯ প্রাদুর্ভাব মোকাবেলায় তিনি বাংলাদেশের সহযোগিতা

কামনা করেন। দক্ষিণ কোরিয়াতে অবস্থানরত বাংলাদেশের নাগরিকদের কেউ এখনো কোভিড-১৯ আক্রান্ত হন নি এবং সেখানকার বাংলাদেশীদের প্রতি দক্ষিণ কোরিয়া সরকার বিশেষ যত্নবান রয়েছে বলেও তিনি জানান।

ইউএসএআইডি কর্মকর্তাদের সাথে আইইডিসিআর কর্তৃপক্ষের আলোচনা

কোভিড-১৯ প্রতিরোধ ও নিয়ন্ত্রণে বাংলাদেশ সরকারকে সহযোগিতা করার বিভিন্ন ক্ষেত্র নিয়ে আলোচনা করার জন্য আজ ইউএসএআইডি কর্মকর্তাবৃন্দ আইইডিসিআর-এ আসেন। তারা কোভিড-১৯ নিয়ন্ত্রণ ও প্রতিরোধে বাংলাদেশের স্বাস্থ্য বিভাগের ব্যবস্থাপনায় আস্থা ব্যক্ত করেন।

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বিশ্ব, বাংলাদেশ, সিঙ্গাপুর, দক্ষিণ কোরিয়া, ইরান ও ইটালির পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

বিশ্ব পরিস্থিতি

গতকালই প্রথম চীনের বাইরে কোভিড-১৯ আক্রান্ত নতুন রোগীর সংখ্যা চীনের মোট আক্রান্ত রোগীর সংখ্যার চাইতে কম ছিল। এতে কোভিড-১৯ মহামারীর কেন্দ্রের পরিবর্তন সম্পর্কে ধারণা পাওয়া যাচ্ছে। বাংলাদেশের জন্য এ অবস্থায় আরো সতর্ক হওয়া দরকার।

বাংলাদেশ পরিস্থিতি

স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে। আজ করোনা কোভিড-১৯ লক্ষণযুক্ত যাত্রী পাওয়া যায় নি। আইইডিসিআর-এর ভাইরোলজি ল্যাবরেটরিতে COVID-19 আক্রান্ত হবার আশংকায় ছিলেন এমন ব্যক্তিদের নমুনা পরীক্ষা করে এ যাবত কারো নমুনাতে COVID-19 পাওয়া যায় নি।

সিঙ্গাপুর পরিস্থিতি

সিঙ্গাপুরে বাংলাদেশ দূতাবাস থেকে প্রেরিত সর্বশেষ খবরে আমরা জানতে পেরেছি যে, মোট ৪ জন বাংলাদেশের নাগরিক COVID-19 সংক্রমিত হয়ে হাসপাতালে চিকিৎসাধীন আছেন। তাদের মধ্যে ১ জন হাসপাতাল থেকে ছাড়া পেয়েছেন। আরেক জনের অবস্থার আরো উন্নতি হয়েছে। যিনি আইসিইউ-তে ছিলেন তাঁর অবস্থার কিছুটা উন্নতি হয়েছে।

অন্যান্য দেশে প্রবাসী বাংলাদেশীদের স্বাস্থ্য পরিস্থিতি

অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। দিল্লীতে উহান থেকে আগত ২৩ জন বাংলাদেশী শহর থেকে ৪০ মাইল দূরে এক কোয়ারেন্টিনে আছেন। আমরা পররাষ্ট্র মন্ত্রণালয় ও বিদেশে বাংলাদেশ দূতাবাসের সাথে সার্বক্ষণিক যোগাযোগ রাখছি। প্রবাস থেকে কোন বাংলাদেশী কোভিড-১৯ নিয়ন্ত্রণ কক্ষের সাথে যোগাযোগ করতে চাইলে ই-মেইল করুনঃ covidbidesh@iedcr.gov.bd

আগামীকাল সাংবাদিক সম্মেলন বিরতি

আগামীকাল ২৮ ফেব্রুয়ারী ২০২০ শুক্রবার আইইডিসিআর-এ সাংবাদিক সম্মেলনে বিরতি থাকবে। তবে সর্বশেষ পরিস্থিতি জানিয়ে সংবাদ বিজ্ঞপ্তি প্রেরণ করা হবে। শনিবার যথারীতি বেলা ১২টায় আইইডিসিআর-এ সাংবাদিক সম্মেলন অনুষ্ঠিত হবে।

COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (২৭ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	১৫১১৮	৩৫১৪১৮
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	৮৩১৫	১৭৬৯৭০
ক্রিনিংএর মাধ্যমে বিমান বন্দরে সনাক্তকৃত কোভিড-১৯ সংক্রমণের আশংকায়ুক্ত ব্যক্তির সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	১১২	৩৯৭৫
ঢাকা ক্যান্টনমেন্ট রেলওয়ে স্টেশনে ক্রিনিংকৃত যাত্রীর সংখ্যা	১৭১	৩৫৭৯
অন্যান্য চালু স্থলবন্দরগুলোতে ক্রিনিংকৃত যাত্রীর সংখ্যা	৬৬৩২	১৭০৮৬৯

* গত শুক্রবার ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

** কোনো কোনো বন্দর থেকে প্রতিবেদন সময়মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

COVID-19 সংক্রান্ত সর্বশেষ পরিস্থিতিঃ (২৭ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	৬৯	৩১৫৮
আইইডিসিআর হটলাইনে COVID-19 সংক্রান্ত মোট কলের সংখ্যা	৫৩	২৩৭২
আইইডিসিআরএ আগত COVID-19 সংক্রান্ত মোট সেবা গ্রহীতার সংখ্যা	১	১২৪
COVID-19 পরীক্ষা করা মোট নমুনার সংখ্যা	১	৮৪
নিশ্চিতকৃত COVID-19 সংক্রমিত ব্যক্তিদের মোট সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বর এ যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

স্বাসতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিস্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/ কাশির সময় বাছ/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন

- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক

ফোন নম্বরঃ ০২-৯৮৪২২৭০